

MASWALI SITINI

KATIKA HUKUMU ZA HEDHI NA NIFASI



"Mwandishi: sheikh anayeheshimika, mwanasayansi mashuhuri
Ameandika Muhammad Swalehe Al-Uthaymini
Mwenyezi Mungu amsamehe yeye, wazazi wake na Waislamu wote

ستون سؤالاً في أحكام الحيض والنفاس - سواحيلي



بيان الإسلام
Bayan AL-Islam



مؤسسة الشيخ
محمد صالح المنجد
رحمه الله تعالى



Maswali Sitini Katika Hukumu Za Hedhi Na Nifasi

شركاء التنفيذ:



المحتوى الإسلامي



رواد الترجمة



جمعية الربوة



دار الإسلام

يتاح طباعة هذا الإصدار ونشره بأي وسيلة مع
الالتزام بالإشارة إلى المصدر وعدم التغيير في النص.



Telephone: +966114454900



ceo@rabwah.sa



P.O.BOX: 29465



RIYADH: 11557



www.islamhouse.com

Kwa jina la Mwenyezi Mungu Mwingi wa rehema Mwenye kurehemu.

UTANGULIZI:

Sifa zote njema anastahiki Mwenyezi Mungu, na rehema na amani zimuendee Mtume wa Allah, Muhammad bin Abdillah na wafuasi wake na maswahaba wake na kila atakayepita katika njia yake mpaka siku ya malipo, baada ya hayo:

Dada yangu Muislam!

Tukitazama maswali mengi ambayo wanaulizwa wanachuoni kuhusiana na hukumu za hedhi katika ibada, tukaona tuyakusanye maswali yote yanayojirudia mara nyingi, na mara nyingi yanatokea bila kurefusha, na hilo ni katika kutaka kufupisha.

Dada yangu Muislamu!

Jitihada zetu za kuyakusanya maswali haya, ni ili yawe mikononi mwako daima, hilo linatokana na umuhimu wa utambuzi wa sheria ya Allah, ili uweze kumuabudu Allah kwa ujuzi na maarifa.

Angalizo: Inaweza kuonekana kuwa baadhi ya maswali yemejirudia kwa yule atakayekipitia kitabu hiki kwa mara ya kwanza, lakini baada ya mazingatio ataona katika maswali hayo kuna ziada ya elimu katika jibu moja ziada ambayo haipatiani katika jibu lingine, tukaona tusiyaache maswali hayo.

Kwa utangulizi huu: Tunaomba -Rehema na amani ziwe juu- ya Muhammad na wafuasi wake wote na Maswahaba wake wote.

MIONGONI MWA HUKUMU ZA HEDHI KATIKA SWALA NA SWAUMU:

Swali la 1: Akitwahirika mwanamke baada ya swala ya Alfajiri, je ajizue na afunge swamu siku hiyo?, na je siku hiyo itahesabika kwake kuwa kafunga au atatakiwa kuilipa siku hiyo?

Jawabu la 1: Akitwahirika mwanamke baada ya kuchomoza Alfajiri, wanachuoni wana kauli mbili juu ya mwanamke huyu katika kujizua kula na kunywa na tendo la ndoa mchana wa siku hiyo.

Kauli ya kwanza: Atalazimika kujizua kula, kunywa, na tendo la ndoa katika masaa yaliyobakia kwa siku hiyo, lakini haitohesabika kwake siku hiyo, bali atawajibika kuilipa, na hii ndio kauli ya wanachuoni wengi katika madhehebu ya Imam Ahmad -Allah amrehemu-

Kauli ya pili: Hatolazimika kujizua kula, kunywa, na tendo la ndoa mchana wa siku hiyo, kwa sababu haikubaliki funga kwa siku hiyo, kwa sababu mwanzo wa siku alikuwa kwenye hedhi, na aliye katika hedhi hafai kufunga, na kwakuwa swamu yake si sahihi, basi hakuna faida ya kujizua kula, kunywa, na tendo la ndoa, na wakati wa siku hiyo si wakati wa kuheshimiwa kwa upande wake, kwa sababu ameamrisha kula mwanzo wa mchana, bali ni

haramu kwake kufunga mwanzo wa mchana, Na swaumu ya kisheria: Ni kujizuia na vyote vyenye kufunguza kwa lengo la kumwabudu Allah toka kuchomoza alfajiri mpaka kuzama kwa jua.

Na kauli hii -kama unavyoiona- ina nguvu zaidi kuliko kauli ya kwanza ya kujizuia, lakini kwa kauli zote hizi mbili itamlazimu kulipa siku hii.

Swali la 2: Atakapotwaharika aliyekuwa na hedhi, na akaoga joshu kubwa baada ya swala ya Alfajiri, na akaswali, na akaikamilisha swaumu ya siku yake ile, je anawajibika kulipa siku hiyo?

Jawabu la 2: Atakapo twaharika Mwanamke aliyekuwa katika hedhi kabla ya kuchomoza Alfajiri hata kwa dakika moja, lakini akapata yakini kuwa ametwaharika, ikiwa ni katika Ramadhani basi atalazimika kufunga, na inakuwa funga yake siku hiyo ni sahihi, na wala halazimiki kuilipa siku hiyo, kwa sababu amefunga akiwa ametwaharika, hata kama hakuoga joshu kubwa ila baada ya Alfajiri basi hakuna tatizo. Kama vile Mwanaume akiwa katika janaba lililotokana na tendo la ndoa au kujiotea, na akala daku na wala hakuoga janaba ila baada ya Alfajiri, funga yake itakuwa sahihi.

kwa uhusiano huu, napenda kutoa angalizo la jambo lingine kwa wanawake, pindi mwanamke atakapo ijiwa na hedhi, na alikuwa kafunga siku hiyo, baadhi ya wanawake hudhania

kwamba hedhi itakapowajia baada ya kufungua kabla ya kuswali swala ya Isha fungua yao ya siku hiyo inakuwa imeharibika, Jambo hilo halina dalili katika sheria, bali hedhi itakapo muijia mwanamke baada ya magharibi walau kwa muda mchache basi fungua yake inakuwa imetimia na ni sahihi.

Swali la 3: Je ni lazima kwa wanawake wenye Nifasi kuswali na kufunga wakitwahaika kabla ya siku arobaini?

Jawabu la 3: Naam, muda wowote atakapo twahaika mwanamke mwenye nifasi kabla ya siku Arobaini basi ni lazima juu yake kufunga ikiwa ni ndani ya Ramadhani, ni lazima juu yake kuswali, na inafaa kwa mume wake kumingilia; Kwa sababu yuko twahara, hakuna kitu kinachomzuia kufunga na hakuna kinachomzuia kuswali wala kufanya tendo la ndoa.

Swali la 4: Ikiwa mzunguko wa mwezi wa mwanamke ni siku nane au siku saba, kisha mzunguko wake ukaendelea mara moja na mara nyingine zaidi ya siku hizo, ni ipi hukumu yake?

Jawabu la 4: Ikiwa mzunguko wa mwanamke huyu ni siku sita au saba, kisha muda wakuwa na damu ukarefuka, ukawa siku nane, au saba, au kumi, au kumi na moja, basi hatoswali mwanamke huyu mpaka atwahaika, Na hilo ni kwa sababu Mtume -**Rehema na amani ziwe juu yake**- hakuweka ukomo maalumu wa siku za mzunguko wa hedhi.

﴿وَيَسْأَلُونَكَ عَنِ الْمَحِيضِ قُلْ هُوَ أَذَىٰ...﴾ [البقرة: 222]

Na amesema Allah Mtukufu: "Na wanakuuliza kuhusu hedhi, sema: Huo ni uchafu" [Al-baqara: 222],Muda wowote damu hii ikiwepo basi mwanamke atabaki katika hali hiyo mpaka atwaharika, na aoge josho kubwa, kisha aswali, na ukija mwezi wa pili siku zimepungua ukilinganisha na mwezi wa kwanza, basi akitwaharika ataoga hata kama mwezi huu haukuwa kama ule uliopita.

Na jambo la msingi nikuwa; Muda wowote mwanamke akiwa katika mzunguko wa hedhi basi hatoswali, uwe mzunguko huo una siku kama mzunguko uliopita, au zimezidi au zimepungua, atakapotwaharika ataswali.

Swali la 5: Je mwanamke mwenye nifasi anakaa siku arobaini haswali na hafungi, au kinachozingatiwa ni kukatika ile damu, muda wowote ikikatika anakuwa katwaharika na ataswali, na ni upi muda mchache wa kutwaharika?

Jawabu la 5: Damu ya uzazi haina wakati maalumu, muda wowote damu ikiwepo atakaa, hatoswali, hatofunga, na hatolingiliwa na mumewe.

Na pindi akiona katwaharika -hata kabla ya siku arobaini, hata kama hakukaa isipokuwa siku kumi au tano- basi ataswali, atafunga, na ataingiliwa na mumewe, wala hakuna tatizo katika hilo.

Na jambo la msingi nikuwa; Nifasi ni jambo linahisika, linafungamana na hukumu za kisheria kwa kuwepo kwake na

kutokuwepo kwake, muda wowote ikiwepo basi zinathibiti hukumu zake, na muda wowote akitwaharika basi hukumu za nifasi hatohusika nazo.

Lakini lau zikizidi zaidi ya siku sitini basi damu hiyo itakuwa ni damu ya ugonjwa, atakaa muda ule ambao unawafikiana na muda wake wa hedhi pekee, kisha ataoga, na ataswali.

Swali la 6: Litakapo dondoka tone dogo la damu ya hedhi mchana wa Ramadhani, na ikaendelea damu hii kumtoka mwanamke ndani ya mwezi wa Ramadhani naye anafunga, je funga yake ni sahihi?

Jawabu la 6: Ndio, swaumu yake ni sahihi, ama haya matone si chochote, yanatokana na mishipa ya damu, imepokewa kutoka kwa Ally bin Abi twalib -Allah amridhie- amesema: "Hakika matone haya ambayo yanakuwa mithili ya damu inayotoka puani si hedhi" hivyo ndivyo alivyosema radhi za Allah ziwe juu yake.

Swali la 7: Mwanamke mwenye hedhi au nifasi akitwaharika kabla ya Al fajiri, je swaumu yake iko sahihi au la?

Jawabu la 7: Naam, iko sahihi swaumu ya Mwanamke mwenye hedhi atakapo twaharika kabla ya Al fajiri, na hakuoga joshu kubwa la kujitwaharisha isipokuwa baada ya Al fajiri, na hukumu hii ni pamoja na wanawake walio katika nifasi, kwa sababu kwa wakati huo ni katika watu wanaotakiwa kufunga, na huu ni mfano wa aliyepatwa na janaba, na ikachomoza Alfajiri akiwa na janaba, swaumu yake ni sahihi;

﴿...وَأَبْتَعُوا مَا كَتَبَ اللَّهُ لَكُمْ لَكُمْ وَأَشْرَبُوا حَتَّىٰ يَبَيِّنَ لَكُمْ الْحَيْضَ الْأَبْيَضَ مِنَ
الْحَيْضِ الْأَسْوَدِ مِنَ الْفَجْرِ...﴾ [البقرة: 187]

Kutokana na kauli yake Allah -Mtukufu-: "Na sasa hivi waingilieni na tafuteni yale aliyowaandikieni Allah kwa ajili yenu, na kuleni na kunyweni mpaka ibainike kwenu nyinyi weupe wa alfajiri ya kweli itokanayo na giza la usiku" (Al baqara: 187) Na akiruhusu Allah kumuingilia mwanamke mpaka ibainike Alfajiri ya kweli basi inamlazimu katika hilo kusiwe na kuoga joshu kubwa isipokuwa baada ya kuchomoza Alfajiri, kutokana na hadithi ya Aisha -Radhi za Allah ziwe juu yake- kwamba Mtume -**Rehema na amani ziwe juu yake**- alikuwa akiamka asubuhi akiwa na janaba kutokana na kumuingilia mkewe naye akiwa katika swaumu. Yaani: Mtume -**Rehema na amani ziwe juu yake**- haogi janaba isipokuwa baada ya kuchomoza Alfajiri.

Swali la 8: Mwanamke akihisi damu ya hedhi, na Damu hiyo haikutoka kabla ya magharibi, au akahisi maumivu ya mzunguko wake, je inafaa swaumu yake siku hiyo, au ni wajibu kwake kuilipa?

Jawabu la 8: Pindi akihisi mwanamke aliyotwahaika kuja kwa damu ya hedhi akiwa amefunga, lakini haikutoka mpaka baada ya kuzama kwa jua, au alihisi maumivu kwa sababu ya hedhi, lakini haikutoka isipokuwa baada ya kuzama kwa jua, basi swaumu yake hiyo siku ni sahihi, hatoirudia swaumu ile ikiwa ni swaumu ya

lazima, na wala haziharibiki thawabu zake kwa hilo ikiwa ni swaumu ya sunna.

Swali la 9: Pindi mwanamke atakapoona damu, na hakuwa na uhakika kama ni damu ya hedhi, je ni ipi hukumu ya swaumu yake siku hiyo?

Jawabu la 9: Swaumu yake siku hiyo ni sahihi; Kwa sababu asili ni kutokuwa na hedhi mpaka ibainike kwake kwamba ile ni hedhi.

Swali la 10: Baadhi ya wakati, mwanamke anaona athari ya damu chache ikiwa katika hali ya matone yakimtoka katika nyakati tofauti tofauti ndani ya siku moja, baadhi ya wakati anazona wakati wa mzunguko wake wa kisheria na mzunguko ukiwa bado haujamtoka, na mara nyingine anazona wakati ambao sio wa mzunguko wake, ni ipi hukumu ya swaumu yake katika hizo hali mbili.

Jawabu la 10: Limetangulia jawabu linalofanana na swali hili muda si mrefu lakini kilichobaki ikiwa haya matone yanatokea katika siku za mzunguko, ikiwa hivyo yatazingatiwa kama ni hedhi ambayo unaijua, inakuwa ni hedhi.

Swali la 11: Je mwanamke aliye katika mzunguko wa hedhi na nifasi anakula na kunywa mchana wa Ramadhani?

Jawabu la 11:Ndio, wanakula na kunywa katika mchana wa Ramadhani, lakini bora ikawa kula huko ni kwa siri akiwa ana

watoto ndani ya nyumba kwa sababu jambo hilo huleta tatizo kwa watoto wakiona mtu anakula mchana wa ramadhani.

Swali la 12: Akitwahaarika mwenye hedhi au nifasi muda wa Alasiri, je analazimika kuswali swala ya Adhuhuri na Alasiri, au je halazimiki kuswali isipokuwa Alasiri peke yake?

Jawabu la 12: Kauli yenye kutegemewa katika swala hili nikuwa: Analazimika kuswali swala ya Alasiri pekee kwa sababu hakuna dalili juu ya ulazima kwake kuswali Adhuhuri, na asili ni kutokuwa na dhima ya jambo na Nabii -**Rehema na amani ziwe juu yake**- amesema: "Atakaye upata wakati wa swala ya Alasiri kwa kiwango cha raka moja kabla jua halijazama basi ameipata Lasiri", Na hakutaja kwamba amediriki Adhuhuri, ingekuwa swala ya Adhuhuri ni lazima kwa mtu huyu basi angebainisha Nabii -**Rehema na amani ziwe juu yake**- na mwanamke akitokwa na damu ya hedhi, baada ya kuingia wakati wa Adhuhuri basi haimlazimu akitwahaarika kulipa isipokuwa swala ya Adhuhuri pekee na hatolipa Alasiri pamoja na kwamba swala ya Adhuhuri hujumuishwa na swala ya Alasiri na wala hakuna tofauti kati yake na sura iliyoulizwa katika swali.

Na kuhusu suala hili, kauli ya kutegemewa nikwamba halazimiki isipokuwa swala ya Alasiri pekee kutokana na dalili ya kisheria na kiyasi (Kuoanisha mambo), na hivyo hivyo ikiwa ametoharika kabla ya kutoka wakati swala ya Isha, basi halazimiki isipokuwa kuswali swala ya ishaa peke yake, wala halazimiki kuswali swala ya Magharibi.

Swali la 13: Baadhi ya wanawake ambao zinatoka mimba zao, haiwi hali zao isipokuwa: Ujauzito ukitoka kabla mtoto hajaumbwa tumboni, au mimba ikatoka baada ya kuumbwa kiumbe na ukadhihiri muundo wa umbile lake, ni ipi hukumu ya swaumu siku hiyo ambayo katokwa na mimba ile, na swaumu za siku ambazo ataiona damu inatoka?

Jawabu la 13: amu ya uzazi, na juu ya hili basi atafunga na kuswali na swaumu yake ni sahihi.

Na ikiwa mtoto ameumbwa basi damu itakayomtoka ni damu ya nifasi, haifai kwake kuswali katika hali hiyo, wala haruhusiwi kufunga swaumu.

Na kanuni na kigezo katika swala hili ni kuwa; Ikiwa mtoto ameumbwa basi damu itakayomtoka ni damu ya uzazi (nifasi), na ikiwa hajaumbwa basi damu itakayomtoka siyo damu ya nifasi, na ikiwa damu itakayomtoka ni damu ya uzazi (nifasi) haitofaa kwake yote yale yasiyofaa kwa wanawake wanaotokwa na damu ya uzazi (nifasi) na ikiwa si damu ya uzazi (nifasi) basi hatoharamishiwa juu yake anayoharamishiwa mwanamke mwenye nifasi.

Swali la 14: Mwanamke mjamzito akitokwa na damu mchana wa Ramadhani, je jambo hili lita athiri swaumu yake?

Jawabu la 14: Itakapotoka damu ya hedhi na mwanamke akiwa amefunga basi funga yake itaharibika, kutokana na kauli ya Mtume -**Rehema na amani ziwe juu yake**- "Hivi haikuwa wakati alipokuwa katika mzunguko wake wa hedhi haswali wala

hafungi?"Na kwa ajili hii tunazingatia hili ni katika mambo yanayofunguza swaumu, na damu ya uzazi ni mfano wake, na kutoka damu ya hedhi na nifasi vinaharibu funga ya mtu.

Na mwanamke mjamzito akitokwa na damu mchana wa ramadhani basi ikiwa ni hedhi basi hiyo ni hedhi kama ilivyo hedhi ya mwanamke asiye mjamzito, na inaathiri swaumu yake, na ikiwa siyo hedhi basi haiathiri funga yake.

Na damu ya hedhi ambayo inaweza mtokea mwanamke mwenye mimba ni damu ya hedhi ambayo haikatiki kwake tangu kubeba ujauzito huo, bali inamjia katika zile nyakati zake alizozioea kuwa damu ya hedhi humuijia, basi hedhi hii kwa kauli yenye kutegemewa inathibiti kwake na inachukua hukumu za hedhi ya kawaida.

ama ikikatika damu hiyo ya hedhi naye bado mjamzito, kisha ikawa baada ya hapo anaona damu katika wakati ambao siyo wa mzunguko wake wa kisheria, hili haliathiri funga yake, kwa sababu hii si hedhi.

Swali la 15: ikiwa mwanamke anaona damu siku moja akiwa katika mzunguko wake, na siku inayofuata haoni damu mchana kutwa, ni kipi juu yake anatakiwa kufanya?

Jawabu la 15: Linalo onekana ni kwamba, hii twhara au ukavu (katika sehemu za siri) uliopatikana wakati wa siku zake za hedhi, utafuata (hukumu za) hedhi, hautohesabika kama ni twhara,

pamoja na hilo ataendelea kujizuia kwa yale anayojizuia kwayo mwanamke aliye katika hedhi.

Na wamesema baadhi ya wanachuoni: Mwanamke mwenye kuona damu siku moja, na siku nyingine akaona yuko twahara, basi ile damu (aliyoiona) ni hedhi, na ule usafi (aliouona) ni twahara mpaka zifike siku kumi na tano. Na ikifika siku ya kumi na tano, inakuwa damu itokayo baada ya hapo ni damu ya ugonjwa (Istihadhwa). Na hili ndilo limetajwa kuwa ni sahihi na wanachuoni wengi katika madhehebu ya Imam Ahmad ibn Hanbali (Allah amrehemu).

Swali la 16: Katika siku za mwisho za hedhi au kabla ya kutwaharika, mwanamke ikiwa haoni athari ya damu ya hedhi, je anaruhusiwa kufunga siku hiyo? ikiwa haoni maji maji meupe yakitoka katika tupu yake, au afanye nini?

Jawabu la 16: Ikiwa ni kawaida ya mwanamke, haoni maji maji meupe kama ilivyo kwa baadhi ya wanawake basi mwanamke huyu atafunga swaumu yake, na ikiwa kawaida yake anaona maji maji meupe, basi hatofunga mpaka aone maji maji hayo yamekatika.

Swali la 17: Ni ipi hukumu ya mwanamke mwenye hedhi na anaetokwa damu ya uzazi (Nifasi) kusoma Qur'ani akiwa anatizama au kile alichohifadhi katika hali ya dharura, mfano yeye ni mwanafunzi au ni mwalimu?.

Jawabu la 17: Hakuna tatizo kwa mwanamke aliye katika hedhi au damu ya uzazi (Nifasi) kusoma Qur'ani ikiwa ni kwa hitajio, kama vile mwalimu wa kike, au mwanafunzi wa kike ambaye anasoma uradi wake (kiwango anachohitaji kusoma katika Qur'ani) usiku au mchana.

Ama kisomo -Namaanisha: Kusoma Qur'ani kwa ajili ya kutafuta ujira na thawabu za kisomo -jambo bora asisome; kwa sababu wanawachuoni wengi au wengi wao wanaona kwamba mwanamke aliye katika hedhi haifai kwake kusoma Qur'ani.

Swali la 18: Je analazimika mwanamke aliye katika hedhi kubadili nguo zake baada ya kutwaharika, pamoja na kuwa nguo hizo hazikudondokewa na damu yoyote wala uchafu wowote?.

Jawabu la 18: Haimlazimu yeye kufanya hivyo, kwa sababu hedhi haichafui (hainajisi) mwili, bali damu ya hedhi inachafua inacho kutana nacho pekee na kwa hili Mtume-**Rehema na amani ziwe juu yake**- aliamrisha wanawake pindi zinapogusa damu za hedhi nguo zao wasafishe pale palipopatwa na damu kisha waswalie nguo zao.

Swali la 19: Mwanamke amefungua katika Ramadhani siku saba, alikuwa akitokwa damu ya uzazi, na hakulipa siku hizi mpaka akajiwa na Ramadhani ya pili, na akazungukiwa katika Ramadhani ya pili na siku saba ambazo alikuwa ananyonyesha (hakufunga) kwa hoja alikuwa na maradhi, na imekaribia kuingia Ramdhani ya tatu, tupeni faida, Allah awalipeni thawabu.

Jawabu la 19: Ama akiwa mwanamke huyu kama alivyojieleza - kuwa yeye ni mgonjwa na wala hawezi kulipa-, basi wakati wowote akiweza kulipa basi na afunge; kwa sababu yeye ana udhuru hata kama ikija Ramadhani ya pili.

Ama ikiwa mwanamke huyu hana udhuru wowote ule, alikuwa akijifanya mgonjwa na anafanya uzembe, huyu hairuhusiwi kwake kuchelewesha kulipa Ramadhani mpaka Ramadhani ya pili. Amesema Aisha (Radhi za mwenyezi mungu ziwe juu yake na amani): "alikuwa nikidaiwa swaumu ambayo natakiwa kulipa, basi siwezi kuzilipa isipokuwa katika mwezi wa Shaaban".

Na kwa namna hiyo, ni juu ya mwanamke huyu aitizame nafsi yake, ikiwa hana udhuru basi anapata dhambi, na juu yake kutubia kwa Allah, na apupie kulipa swaumu zilizo juu yake, ikiwa ana udhuru hakuna shida juu yake, hata kama ikichelewa mwaka au miaka miwili.

Swali la 20: Baadhi ya wanawake wanaingiwa na Ramadhani ya pili na wao hawajafunga baadhi ya siku katika Ramadhani iliyopita, ni lipi jambo la lazima juu yao kufanya?.

Jawabu la 20: Jambo la lazima juu yao: Kutubia kwa Allah juu ya jambo hili; kwa sababu haifai kwa mwenye deni la swaumu za Ramadhani akachelewesha mpaka Ramadhani ya pili bila udhuru; kutokana na kauli ya Aisha -Radhi za Allah ziwe juu yake- "Ilikuwa ninaokuwa na deni la swaumu natakiwa kulipa, basi siwezi kuzilipa isipokuwa katika mwezi wa Shaaban".

Na hii inaonyesha ya kwamba haiwezekani kuchelewesha kulipa mpaka ramadhani ya pili, ni juu yake atubie kwa Allah - mshindi aliyetukuka- kwa yale aliyoyafanya, na alipe siku alizoziacha baada ya ramadhani ya pili.

Swali la 21: Mwanamke atakapo tokwa na damu ya hedhi adhuhuri, akiwa hajaswali swala ya adhuhuri, je analazimika kuilipa swala ile baada ya kutwahaarika?

Jawabu la 21: Katika hili kuna tofauti baina ya wanachuoni, wapo wanaosema haimlazimu mwanamke huyu kuilipa swala hii, kwa sababu hakufanya uzembe na wala hatopata dhambi; na kwakuwa anaruhusiwa kuchelewesha swala mpaka ukikaribia mwisho wa wakati wa swala.

Wengine wanasema: Analazimika kuilipa, namaanisha kuilipa swala ile iliyompita kabla ya hedhi kutoka, kutokana na ujumla wa maneno ya Mtume -**Rehema na amani ziwe juu yake-"Atakaye idiriki raka katika swala basi amediriki swala"**

Na kwa kujiepusha kuingia katika madhambi: Bora ailipe, maana ni swala moja, hakuna ugumu katika kuilipa.

Swala la 22: Atakapo ona mjamzito damu kabla ya kujifungua kwa siku moja au siku mbili, je ataacha kufunga na kuswali kwa ajili ya damu hiyo au lipi afanye?

Jawabu la 22: Mjamzito atakapoiona damu siku moja au siku mbili kabla ya kujifungua, huku akiwa na uchungu wa kujifungua,

basi damu hiyo ni damu ya uzazi (Nifasi), kwa ajili ya damu hiyo hatoswali na wala hatofunga, isipoambatana damu hiyo na uchungu wa kujifungua, basi damu hiyo iliyoharibika haizingatiwi, na wala haimzuii mwanamke kufunga wala kuswali.

Swali la 23: Ni yapi maoni yako kuhusu kumeza vidonge vya kuzuia mzunguko wa mwezi wa damu ya hedhi kwa ajili ya Kufunga pamoja na watu?

Jawabu la 23: Mimi ninatahadharisha kuhusu hilo, na hilo ni kwa sababu vidonge hivi vina madhara makubwa, limethibiti hilo kwangu kupitia matabibu, na anaambiwa mwanamke: Hilo jambo ameliandika Allah kwa mabinti wa Adam, basi tosheka kwa lile alilokuandikia Allah Mtukufu, na ufunge siku ambazo hakuna kizuizi, kitakapo patikana kizuizi basi fungua kwa kuridhia yale ambayo Allah Mtukufu amekadiria.

Swali la 24: Mwanamke baada ya miezi miwili tangu kukatika kwa damu ya uzazi (Nifasi), akaanza kuona vitone vidogo vya damu, je atafungua, na wala hatoswali? au ni kipi atafanya?.

Jawabu la 24: Matatizo ya wanawake katika damu ya hedhi na damu ya uzazi (Nifasi) ni bahari isiyo na ufukwe, na katika sababu za matatizo hayo: Matumizi ya vidonge vya kuzuia mimba au kuzuia damu ya hedhi, na watu hawakuwa wakijua matatizo haya mengi, Sahihi, haya matatizo yalikuwepo tangu alipopewa Mtume -Rehema na amani ziwe juu yake- Utume, bali yalikuwepo tangu alipopatikana mwanamke, lakini kwa wingi wake katika sura hii

ambayo anafikia mwanadamu haelewi namna ya kutatua matatizo haya, hili ni jambo la kuhuzunisha sana.

Lakini kanuni ya ujumla: Mwanamke akitwaharika, akaona kutwaharika baada ya damu ya hedhi na damu ya uzazi: Yakatoka maji maji meupe wanayajua wanawake- basi baada ya mwanamke kutwaharika ukitoka uchafu, unjano, au tone, au unyevu, hivi vyote si hedhi, na havimzuii vitu hivyo kuswali, kufunga na wala havizuii tendo la ndoa baina ya mwanaume na mwanamke kwa sababu vitu hivyo si damu ya hedhi. Alisema Ummu Atwiyah: "Tulikuwa hatuoni unjano na uchafu kuwa ni kitu" amesimulia Al Bukhari na akazidisha Abu Daud: (wakiona vitu hivyo) Baada ya kutwaharika. Mtiririko wa wapokezi wake ni sahihi.

Na kuhusu hili tunasema: Kila kitakachotokea katika vitu hivyo baada ya kutwaharika kwa uhakika, vitu hivyo havimdhuru mwanamke na wala havimzuii kuswali swala zake, na kufunga swaumu zake, na havimzuii kuingiliwa na mume wake lakini ni lazima kwa mwanamke huyu asifanye haraka asubiri mpaka aone kuwa katwaharika. Kwa sababu baadhi ya wanawake damu ikikauka, hufanya haraka na hujitoharisha kwa kuoga kabla hajaona kule kutwaharika kunakotakiwa. Na kwa hivyo, walikuwa wanawake walioishi kipindi cha Mtume wakiagiza Kursuf yaani; pamba yenye damu, iende kwa mama wa waumini Aisha radhi za Allah ziwe juu yake, alikuwa akiwaambia; Msifanye haraka mpaka

muone maji maji meupe ambayo hutoka baada ya hedhi kumalizika.

Swali la 25: Baadhi ya wanawake damu inaendelea, na wakati mwingine inakatika siku moja au siku mbili kisha inarejea, je ni ipi hukumu katika hali hii kuhusu swaumu yake na swala yake na ibada zingine.

Jawabu la 25: Linalofahamika kwa wanachuoni walio wengi ni kwamba: Mwanamke anapokuwa katika siku zake, zikiisha siku zake, basi anajitwahirisha kwa kuoga, na ataswali na kufunga na atakacho kiona baada ya hapo siku moja au siku mbili si hedhi kwa sababu siku chache za kutoharika baina ya hedhi mbili kwa wanachuoni hawa ni siku kumi na tatu.

Na wamesema wanachuoni wengine kwamba: Bali kwa mwanamke huyu atakapo ona damu basi hiyo ni hedhi, na wakati wowote akitwahirika basi ametwahirika, hata kukiwa hakuna baina ya hedhi ya kwanza na ya pili siku kumi na tatu.

Swali la 26: Lipi bora kwa mwanamke: Akaswali usiku ndani ya mwezi wa Ramadhani nyumbani kwake, au msikitini, hasa hasa msikitini kukiwa na mawaidha na ukumbusho? Ni upi muongozo wako kwa wanawake ambao wanaswali msikitini?

Jawabu la 26: Bora akaswali katika nyumba yake, kutokana na ujumla wa kauli ya Mtume -Sala na salama ziwe juu yake-"Na Nyumba zao ni bora kwao wao"Na ni kwa sababu mwanamke kutoka nyumbani kwake hakujasalimika na fitna katika nyakati

nyingi, na kuwa mwanamke kubakia nyumbani kwake ni bora kwake, kuliko kutoka kwenda msikitini, ama mawaidha na mazungumzo ya kheri inawezekana akayapata kupitia kanda.

Na muongozo wangu kwa wanawake ambao wanaswalia msikitini: Watoke katika nyumba zao wakiwa hawaja jipamba kwa mapambo, wala kujipulizia manukato.

Swali la 27: Ni ipi hukumu ya mwanamke kuonja chakula mchana wa Ramadhani akiwa amefunga.

Jawabu la 27. Hukumu yake: Hakuna shida juu ya jambo hilo, akiwa na haja ya jambo hilo, lakini akiteme kile alichokionja (asimeze).

Swali la 28: Mwanamke kapata ajali, na alikuwa mwanzo wa mimba yake, mimba ikatoka baada ya kutokwa na damu nyingi, je inajuzu kwake kufungua, au anaendelea kufunga? Akifungua je atapata dhambi?

Jawabu la 28: Tunasema: Hakika mjamzito hatokwi na damu ya hedhi, kama anavyosema Imam Ahmad: Wanawake wengi hujua ujauzito kwa kukatika hedhi, na hedhi kama walivyosema Wanawachuoni, ameiumba Allah -Mtukufu- kwa hekima ya kuwa ni chakula cha mtoto aliye tumboni, mimba itakapo anza hedhi hukatika.

Lakini baadhi ya wanawake inaweza ikaendelea kwake damu ya hedhi kama kawaida kama ilivyokuwa kabla ya mimba, huyu

atahukumiwa kuwa hedhi yake ni hedhi ya kawaida, kwa sababu hedhi kwake iliendelea na wala haikuathirika na mimba, hedhi hii itamzuia na yale yote ambayo yanayozuiwa na hedhi ya siku zote ya mwanamke asiyemjamzito, hivyo, itawajibisha yale ambayo yanawajibika kwa mwenye hedhi, na itadondosha yale yote ambayo yanadondoshwa na hedhi ya kawaida (ikiwemo swala n.k)

Na kwa ufupi ni kwamba: Damu inayomtoka mjamzito iko katika aina mbili:

Aina moja wapo inahukumiwa kuwa ni hedhi, nayo ni ile ambayo inaendelea kutoka kwake kama ilivyokuwa ikitoka kabla ya mimba, basi maana ya jambo hili ni; Mimba haijumuathiri, hii itakua ni hedhi ya kawaida.

Na aina ya pili, ni damu inayotoka wakati wa mimba, ima kwa sababu ya ajali, au alibeba kitu, au kudondoka toka juu ya kitu fulani na mfano wake, damu hii si hedhi, bali ni damu ya ugonjwa.kwa hiyo, haimzuii damu hii kuswali, wala kufunga, bali anakuwa katika hukumu ya wanawake waliotoharika.

Lakini ajali ikisababisha mtoto kushuka au mimba ambayo iliyokuwa tumboni, atakuwa kama walivyosema Wanawachuoni: Mimba ikitoka na imebainika kwake umbile la mwanadamu, basi damu itakayotoka baada ya kutoka mtoto itahesabika kuwa ni damu ya uzazi, ataacha kuswali, na kufunga, na mumewe atajitenga naye mpaka atwaharike.

Na akitoka mtoto ambaye hajakamilika basi haizingatiwi kuwa ni damu ya uzazi, bali ni damu iliyoharibika, haimzuii mwanamke kuswali, wala kufunga, wala kingine chochote.

wamesema Wanachuoni: Muda mchache ambao kinabainika kiumbe: Ni siku themanini na moja; kwa sababu mtoto yupo tumboni kwa mama yake. Kama alivyosema Abdullah bin Masoud -Radhi za Allah ziwe juu yake- Ametuhadithia mkweli mwenye kusadikishwa, akisema: "Hakika mmoja wenu hukusanywa umbile lake katika tumbo la mama yake siku arobaini, kisha linakuwa pande la damu mfano wa siku hizo, kisha linakuwa pande la nyama mfano wa siku hizo, kisha hutumwa Malaika na anaamrisha kuandika mambo manne; kuandika riziki yake, kifo chake, muovu au mwema". Na wala haiwezekani kuumbwa kabla ya hizo siku, mara nyingi kiumbe hakibainiki kabla ya siku tisini, kama walivyosema baadhi ya Wanachuoni.

Swali la 29: Mimi ni mwanamke ilitoka mimba ikiwa katika mwezi wa tatu, mwaka umepita sasa, na sikuswali mpaka nilivyotwahaika, waliniambia, ulikuwa unatakiwa kuswali, basi kipi natakiwa kufanya, na mimi sifahamu idadi ya siku maalumu?.

Jawabu la 29. Jambo linalofahamika kwa wanawachuoni ni kwamba: Mwanamke pindi itakapotoka mimba yake ikiwa imetimiza miezi mitatu basi yeye hatoswali, kwa sababu aliyetoka ni mtoto aliyebainika umbile lake na damu inayotoka inakuwa ni damu ya uzazi hivyo hatoswali ikiwa inatoka damu hiyo.

wanasema wanachuoni: Inawezekana kubainika umbile la mtoto tumboni zikitimia siku 81 na hizi ni chini ya miezi mitatu, akiwa na yakini kwamba mimba imetoka ikiwa na miezi mitatu, damu itakayomtoka inakuwa damu iliyoharibika, haachi swala kwa sababu hiyo.

Na jambo hili ni juu ya mwanamke kukumbuka, ikiwa mtoto aliyetoka ilikuwa kabla ya siku 80 basi atazilipa swala zile, ikiwa hajui ni swala ngapi kaziacha?Basi akadirie, na ajitahidi kujua idadi, kisha dhana yake kubwa ikiwa katika idadi fulani ya swala zilizompita, basi azilipe kwa idadi hiyo.

Swali la 30: Muulizaji wa kike anauliza: Yeye tangu awajibikiwe na swamu anafunga Ramadhani, lakini halipi siku zake alizofungua kwa sababu ya mzunguko wa damu ya hedhi, na kwa sababu ya kutokujua idadi ya siku alizofungua, kwa hiyo, yeye hivi sasa, anaomba muongozo lile la lazima juu yake kulifanya.

Jawabu la 30: Inasikitisha kutokea hili baina ya wanawake wa waumini, hakika huko kuacha- namaanisha: Kuacha kulipa siku ambazo ni lazima kwao kufunga -ima ni kwa sababu ya kutokujua, na ima ni kwa sababu ya uzembe, yote mawili ni msiba, kwa sababu ujinga dawa yake ni kusoma na kuuliza,Ama kuzembea, dawa yake ni kumcha Allah mshindi aliyetukuka, na kujichunga kujua Allah anakuona, na kuogopa mwisho wa mambo, na kupupia yale ambayo Allah anayaridhia.

Juu ya mwanamke huyu, atubie kwa Allah kwa yale aliyoyafanya, na aombe msamaha, ajitahidi kuzijua siku alizoacha kadiri ya uwezo wake kisha atazilipa, na kwa kufanya hili hatolaumiwa, natarajia Allah atakubali toba yake.

Swali la 31: Ni ipi hukumu ya mwanamke kafikiwa na mzunguko wa hedhi baada ya kuingia wakati wa swala? Je inawajibika kwake yeye kulipa akitwaharika? Na hivyo hivyo pindi akitwaharika kabla ya kutoka muda wa swala?

Jawabu la 31: Kwanza: Mwanamke akiingia katika mzunguko wa damu ya hedhi baada ya kuingia wakati wa swala basi inawajibika kwake akitoharika alipe swala ambazo alipatwa na mzunguko katika wakati wake, ikiwa hajaswali kabla ya kuingiwa na hedhi. Na hali hiyo ni kwa mujibu wa neno lake Mtume **rehema na amani za Allah** zimfikie: "**Mwenye kuipata rakaa moja ya swala basi kwa hakika atakuwa ameipata swala**". Ikiwa mwanamke ataupata muda wa swala kiasi cha rakaa moja, kisha akaingia katika hedhi kabla hajaswali, itamlazimu kukidhi (kulipa) swala hiyo pindi atakapo twaharika.

Pili: Ikiwa mwanamke atatwaharika kutokana na hedhi kabla muda wa swala haujatoka, basi itamuwajibikia kulipa swala hiyo. Na lau atatwaharika kabla ya jua kuchomoza kwa kiasi cha rakaa moja itamuwajibikia kulipa swala ya alfajiri, Na lau atatwaharika kabla ya jua kuzama kwa kiasi cha rakaa moja itamuwajibikia kuswali swala ya Alasiri, Na lau atatwaharika kabla ya usiku kufikia katikati itamuwajibikia kulipa swala ya Ishaa, Na ikiwa

atatwaharika baada ya nusu ya usiku, haitamuwajibikia swala ya Isha,

﴿فَإِذَا قَضَيْتُمُ الصَّلَاةَ فَادْكُرُوا اللَّهَ قِيَمًا وَرُقُودًا وَعَلَىٰ جُنُوبِكُمْ فَإِذَا اطْمَأْنَنْتُمْ فَأَقِيمُوا الصَّلَاةَ إِنَّ الصَّلَاةَ كَانَتْ عَلَى الْمُؤْمِنِينَ كِتَابًا مَّوْقُوتًا﴾ [النساء: 103]

Allah Mtukufu anasema: "...Na mtakapopata amani mkawa katika salama, hapana vita, basi simamisheni swala, kwa hakika swala kwa waumini ni faradhi iliyopangiwa wakati maalumu" [Annisai: 103], Yaani: Ni faradhi iliyopangiwa wakati maalumu, haifai kwa mtu kuitowa swala nje ya wakati wake (akaswali baada ya kutoka muda wake), wala kuiswali kabla ya kuingia wakati wake.

swali la 32: Iwapo imeingia kwangu desturi ya mwezi (hedhi) na hali nikiwa katikati ya swala, nitatakiwa kufanya nini ? na je, nitawajibika kulipa swala hiyo baada ya muda wa hedhi?

jawabu la 32: Ikiwa mwanamke itamtoka hedhi baada ya kuingia wakati wa swala; kwa mfano mwanamke akafikwa na hedhi baada ya kupinduka jua kwa nusu saa, basi bila shaka baada ya kutwaharika kutokana na hedhi yake atailipa swala hii ambayo uliingia muda wake na hali akiwa na twahara.

﴿... إِنَّ الصَّلَاةَ كَانَتْ عَلَى الْمُؤْمِنِينَ كِتَابًا مَّوْقُوتًا﴾ [النساء: 103]

Na hiyo ni kwa mujibu wa kauli ya Allah Mtukufu: **"..Kwa hakika swala imekuwa juu ya waumini ni faradhi iliyopangiwa wakati maalumu" [An-Nisai: 103]**

Na wala mwanamke hatolipa swala zilizomkuta akiwa ndani ya hedhi; kwa mujibu wa kauli ya Mtume **rehema na amani za Allah zimfikie** - katika hadithi ndefu: **"je, si pale mwanamke anapoingia katika hedhi haswali na wala hafungi?"** Na wanachuoni wamekubaliana kuwa mwanamke halipi swala ambayo ilimpita akiwa katika hedhi.

Ama ikiwa atatwahaika, na hali ilikuwa imebaki katika muda wa swala kiasi cha raka moja na zaidi, basi ataswali swala hiyo ambayo ni ya wakati aliotwahaika ndani yake. Na hii ni kwa mujibu wa kauli yake Mtume **rehema na amani za Allah zimfikie**: **"Mwenye kupata raka moja katika swala ya Alasiri kabla jua halijazama, basi kwa hakika atakuwa ameipata swala ya Alasiri"**. Na ikiwa mwanamke atatwahaika ndani ya wakati wa Alasiri, au kabla ya kuchomoza jua, na ikawa imebaki kabla ya kuzama jua au kuchomoza jua kwa kiasi cha raka moja, basi ataswali Alasiri kwa mnasaba wa swala la kwanza, na ataswali Alfajiri kwa mnasaba wa swala la pili.

swali la 33: Mimi nina mama mzazi ambaye anafikia umri wa miaka sitini na tano, na yeye katika kipindi cha miaka kumi na tisa hajapata mtoto. Na hivi sasa ana kipindi cha miaka mitatu akiwa na ugonjwa wa kutokwa na damu,-na inavyoonekana nikuwa-maradhi hayo yaliimpata katika wakati huo vile vile atakabiliwa na

ibada ya swaumu. Je ni nini nasaha zenu kwake? Na je, nini atakachotakiwa kufanya ?

Jawabu la 33: Hukumu ya mfano wa mwanamke kama huyu aliyefikwa na ugonjwa wa kutokwa na damu: anatakiwa aache kuswali na kufunga katika kipindi cha desturi yake iliyotangulia kabla ya kufikwa na ugonjwa huu. Hivyo basi iwapo ilikuwa kawaida yake anapata hedhi katika mwanzo wa kila mwezi kwa muda wa siku sita kwa mfano, basi atakaa katika mwanzo wa kila mwezi kwa muda wa siku sita na hali ya kuwa haswali wala hafungi, na zitakapoisha siku hizo basi ataoga na ataswali na atafunga.

Na namna ya swala ya mwanamke kama huyu na mfano wake: ataosha tupu yake kwa ukamilifu, halafu ataifunga na atatawadha, na atakuwa akifanya hivyo baada ya kuingia wakati wa kila swala ya faradhi, na atafanya hivyo hivyo atakapokuwa anataka kuswali swala za suna zisizokuwa faradhi.

Na katika hali kama hii, na kutokana na tabu anazopitia, itakuwa inajuzu kwake kukusanya swala ya Adhuhuri na Laasiri, na swala ya Magharibi na Isha: kwa kufanya kwake hivi ataswali swala mbili kwa mara moja; Yaani swala ya Adhuhuri na Alasiri. Na twahara moja pia kwa ajili ya swala mbili: Yaani swala ya Magharibi na Isha, na Alfajiri itakuwa pekee. Hivyo basi badala ya kuswali mara tano ataswali mara tatu tu.

Na hapa nitarudia maelezo mara ya pili, ninasema: Pindi atakapotaka kujitwaharisha ataosha tupu yake, na ataifunga kwa kitambaa au mfano wa kitambaa, ili ipungue ile hali ya kutoka damu. Kisha atatawadha, na ataswali Adhuhuri rakaa nne na Alasiri rakaa nne. Na Magharibi rakaa tatu na Isha rakaa nne, na Alfajiri rakaa mbili. Kwa maana kwamba asipunguze rakaa hizo. Kama wanavyodhania baadhi ya watu wasiokuwa na elimu na maarifa. Lakini inajuzu kwake kukusanya kati ya swala ya Adhuhuri na Alasiri, na kati ya swala ya Magharibi na Isha, ima kwa kutanguliza au kwa kuchelewesha, na ikiwa atataka kuswali swala ya sunna kwa udhu huo huo aliyoswalia swala hizo za faradhi, hapana ubaya wa kufanya hivyo.

swali la 34: Nini hukumu ya mwanamke kukaa katika msikiti mtukufu wa Makka au msikiti wa Madina, na hali akiwa na hedhi; kwa nia ya kusikiliza mafunzo ya hadithi za Mtume rehema na amani za Allah zimfikie, na kusikiliza hotuba?

Jawabu la swali la 34: Haijuzu kwa mwanamke mwenye hedhi kukaa ndani ya msikiti wa Makka au msikiti mwingine wowote. Lakini inajuzu kwake kupita na kukatisha ndani ya msikiti kwa nia ya kutimiza haja yake humo, na mfano wa hilo; Kama alivyosema Mtume rehema na amani za Allah zimfikie, alipomuamrisha mama Aisha alete Msala, mama Aisha akasema: Msala uko msikitini na mimi nina hedhi. Mtume wa Allah rehema na amani zimfikie akasema "Hedhi yako haiko mkononi mwako", Na ikiwa mwanamke mwenye hedhi atakatisha msikitini, na hali ya kuwa

damu yake haichuruziki ndani ya msikiti, basi hapana ubaya wowote juu yake.¹

Ama ikiwa mwanamke huyo anataka tu kukaa msikitini hilo halitajuzu kisheria.

Na dalili ya hilo: Ni kuwa Mtume rehema na amani za Allah zimfikie aliwaamrisha wanawake kutoka katika swala ya iddi ili kuhudhuria mahala pa tukio la swala ya iddi (wanawake walioachwa huru kutokana na utumwa na mabinti wanaotawa na wanawake wenye hedhi) isipokuwa tu ameamrisha wenye hedhi wajitenge na mahala pa kuswalia. Hivyo hilo linajulisha kuwa mwanamke mwenye hedhi haijuzu kwake kukaa msikitini kwa nia ya kusikiliza hotuba au kusikiliza darasa na hadithi.

MIONGONI MWA HUKUMU ZA TWAHARA KATIKA SWALA:

Swali la 35: Je kinachotoka kwa kuchuruzika toka kwa mwanamke (katika sehemu zake za siri)- kikiwa ni rangi nyeupe au ya njano- ni najisi au tohara? je unawajibika udhuu kwa hicho kinachotoka? pamoja na kujuwa na kutambua kwamba

¹ Neno "Khumra" lililotumika katika hadithi: Ni Mswala unaotumika kuswalia. Na Mswala huo umeitwa hivyo kwa sababu unafunika uso.

kinaendelea kutoka bila kukatika, na ipi hukumu ikiwa kitaacha kutoka? hususani ni kwamba wengi katika wanawake wasomi wanazingatia kile kinachotoka ni unyevunyevu wa kawaida na wa asili, hailazimiki kuchukua Udhu?

Jawabu la swali la 35: Kinachodhihiri kwangu baada ya utafiti ni kuwa: Kinachochuruzika kutoka kwa mwanamke ikiwa hakitoki kwenye kibofu basi kinatoka katika mfuko wa uzazi na kitakuwa ni twahara. Lakini kinatengua udhu pamoja na kuwa ni twahara: Kwa sababu kitu kinachotengua udhu si sharti kiwe najisi, kwani huoni upepo unaotoka sehemu ya nyuma hauna umbo, lakini pamoja na hivyo unatengua udhu.

Na kwa ajili hiyo tu, ikiwa damu hiyo itamtoka mwanamke na hali akiwa na udhu basi damu hiyo itatengua udhu wake, na itamuwajibikia kutawadha udhu mpya.

Na ikiwa damu hiyo inaendelea kutoka haitatengua udhu wake, lakini atatawadha kwa ajili ya swala pindi utakapoingia muda wake. Na kwa udhu huo huo ataswali swala ya sunna na atasoma Qur'ani, na atafanya lolote katika mambo ya halali kwake. Na hivi ni kama walivyosema wasomi kuhusu mtu mwenye ugonjwa wa kutokwa na mkojo mfululizo, hii ndiyo hukumu ya mwenye kutokwa na damu katika kadhia ya twahara, anakuwa twahara, na katika swala la kutenguka udhu wake, mkojo huo unatengua udhu ila tu ikiwa unatoka mfululizo wakati huo hautatengua udhu. Lakini mwanamke hatatawadha kwa ajili ya swala ila baada ya kuingia muda, na awe muangalifu.

Ama ikiwa damu hiyo inakatika, na ikawa desturi yake ni kukatika katika nyakati za swala, basi ataahirisha swala mpaka wakati ambao damu inakatika, madhali tu hahofii kupitwa na kipindi cha swala. Ikiwa atahofia kupitwa na kipindi cha swala basi itambidi atawadhe na atajifunga na kujihifadhi na kuswali.

Na hapana tofauti kati ya damu ndogo na damu nyingi; Kwa sababu zote hizo zinatokea katika njia moja; hivyo basi ikiwa ni nyingi au kidogo zote hizo zinatengua udhu. Hii ni tofauti na damu inayotoka katika maeneo mengine ya mwili kama damu au matapishi, vitu hivyo havitengui udhu vikiwa kidogo au vikiwa vingi.

Ama itikadi ya baadhi ya wanawake kuhusu damu hiyo kwamba haitengui udhu hili mimi sijui linatokana na asili ipi, isipokuwa kauli ya Ibn Hazmi Allah amrehemu yeye anasema: Damu hii haitengui udhu, lakini hakuleta dalili yoyote juu ya kauli yake hii na lau angetaja dalili yoyote kutoka katika kitabu na sunna na kauli za Maswahaba hiyo ingelikuwa ni hoja.

Na ni juu ya mwanamke kumcha Allah na apupie kujitwahaisha; kwa sababu swala haikubaliwi bila ya twahara, japo ataswali mara mia. Kwani baadhi ya wanachuoni wanasema: Mtu anayeswali bila ya twahara anafanya kufuru; kwa sababu kufanya hivyo ni kuzifanyia kejeli aya za Allah -Aliyetakasika na Kutukuka.

Swali la 36: Atakapo tawadha mwanamke ambaye anatokwa na kinachomtoka katika sehemu zake za siri bila kukatika kwa ajili ya swala ya lazima, je ni sahihi kwake yeye akaswali swala za sunna anazotaka na kusoma Qur'ani kwa ule udhu aliouchukua kwa ajili ya ile swala ya lazima mpaka swala ya lazima nyingine inayofuata?

Jawabu la 36: Atakapo chukua udhu mwanamke kwa ajili ya swala ya lazima katika mwanzo wa wakati wake basi ni juu yake akaswali swala za sunna anazotaka na kusoma Qur'ani mpaka utakapo ingia wakati wa swala nyingine.

Swali la 37: Je ni sahihi kwa huyo mwanamke kuswali swala ya dhuha kwa udhu wa swala ya Al fajiri?

Jawabu la 37: Hilo si sahihi, kwa sababu swala ya dhuha ni swala ya wakati maalumu, ni lazima kuchukua udhu kwa ajili ya swala ya dhuha ukiingia wakati wake, kwa sababu huyu mwanamke ni mfano wa yule mwanamke anayetokwa na damu ya ugonjwa, na alimuamrisha Nabii -**rehema na amani ziwe juu yake**- mwanamke anayetokwa na damu ya ugonjwa achukue Udhu kwa kila swala (anayotaka kuswali).

Na wakati wa swala ya Adhuhuri: Ni toka kupinduka kwa jua (kuelekea Magharibi) mpaka wakati wa swala ya Alasiri.

Na wakati wa swala ya Alasiri: Ni toka wakati wa kutoka swala ya Adhuhuri mpaka jua likiwa la njano, (na wakati wa) dharura(kwa ajili ya swala ya Lasiri) ni mpaka kuzama kwa jua.

Na wakati wa Magharibi: Ni toka kuzama kwa jua mpaka kupotea kwa wekundu unaotokea angani wakati wa kuzama kwa jua.

Na wakati wa swala ya Isha: Ni kutoka wakati umepotea ule wekundu unaotokea angani wakati wa kuzama kwa jua mpaka nusu ya usiku.

Swali la 38: Je ni sahihi kwa huyu mwanamke kuswali kisimamo cha usiku itakapopita nusu ya usiku kwa udhu ule wa Isha?

Jawabu la 38: Hapana, itakapopita nusu ya usiku inawajibika kwa mwanamke huyu kuchukua Udhu tena, na pamesemwa kuwa: Sio lazima kuchukua udhu mpya na hii ndio kauli yenye nguvu yenye kufanyiwa kazi.

Swali la 39: Ni upi muda wa mwisho wa swala ya Isha, na vipi utautambua?.

Jawabu la 39: Wakati wa mwisho wa swala ya Isha ni nusu ya usiku, na hilo hutambuliwa kwa kugawa baina ya kuzama kwa jua na kuchomoza alfajiri mara mbili, nusu ya kwanza inaisha muda wa mwisho wa swala ya Isha, na inabakia nusu ya mwisho haina wakati bali ni kizuizi baina ya Isha na Alfajiri.

Swali la 40: Atakapo chukua udhu mwanamke anayetokwa na chenyewe kutoka kwa kukatikatika (hakitoki mfululizo sehemu za siri) na baada ya kumaliza kuchukua udhu na kabla ya swala yake, kikatoka mara nyingine, nini afanye mwanamke huyu?

Jawabu la 40: Ikiwa kile kinachotoka kiliacha kutoka basi asubiri mpaka ule muda ambao kinaacha kutoka, ama ikiwa hana hali inayofahamika, muda wa kutoka na muda wa kuacha kutoka, basi atachukua udhu baada ya kuingia wakati wa swala, ataswali, na halazimiki juu yake chochote.

Swali la 41: Kipi kinalazimu pindi hicho kinachotoka (sehemu za siri) kikigusa mwili au nguo?

Jawabu la 41: Ikiwa kile kinachotoka ni tohara (kisafi) basi hakuna kinachomlazimu, na kikiwa ni najisi-nacho ni kile kinachotoka katika kibofu- basi inawajibika juu yake akoshe (mwili au nguo hizo)

Swali la 42: kuhusu udhu kutokana na kile chenye kutoka, je inatosha akaosha vile viungo vya udhu peke yake?

Jawabu la 42: Ndio, inatosha hilo, ikiwa kinachotoka ni tohara, nacho ni kile kinachotoka katika mfuko wa uzazi na sio kinachotoka katika kibofu.

Swali la 43: Ni ipi sababu ya kutonukuliwa kutoka kwa Mtume-Rehema na amani ziwe juu yake- hadithi yoyote yenye kuonyesha juu ya kutenguka kwa udhu kwa kile kinachotoka, pamoja na kwamba Maswahaba wa kike walikuwa wakipupia juu ya kutaka kujua mambo katika dini yao?

Jawabu la 43: Kwa sababu kinachotoka hakimjii kila mwanamke.

Swali la 44: Yule mwanamke ambaye alikuwa hachukui udhu kwa kutokujua hukumu yake, anawajibika nini juu yake mwanamke huyo?

Jawabu la 44: Juu yake mwanamke huyo ni kutubu kwa Allah (Mshindi aliyetukuka) na awaulize wanazuoni juu ya hilo.

Swali la 45: kuna wanao nasibisha kwako kauli ya kutochukua udhu kwa kutoka kile chenye kutoka (sehemu za siri)?

Swali la 45: Mwenye kuninasibishia kauli hii sio mkweli, jambo linalodhihiri ni kwamba yeye kafahamu kutoka katika kauli yangu: Kwamba hakitengui Udhu.

Swali la 46: Ni ipi hukumu ya uchafu unaomtoka mwanamke kabla ya hedhi kwa siku moja au zaidi au chini ya hapo, na kinaweza kuwa chenye kutoka kikawa mfano wa uzi laini mweusi au kahawia au mfano wa hiyo? Ni ipi hukumu lau ikiwa baada ya hedhi?

Jawabu la 46: Hiyo ikiwa ni mwanzo wa hedhi basi hiyo ni hedhi, na hutambuliwa hilo kwa maumivu ambayo yanamkuta aliye na hedhi kwa kawaida.

Ama uchafu baada ya hedhi, atasubiri mpaka uondoke; kwa sababu uchafu unaoungana na hedhi nao ni hedhi; kutokana na kauli ya Aisha- Radhi za Allah ziwe juu yake: Msifanye haraka mpaka muone tohara baada ya hedhi. Na Allah ndiye Mjuzi zaidi.

MIONGONI MWA HUKUMU ZA HEDHI KATIKA HIJA NA UMRA:

Swali la 47: Vipi anaswali mwanamke anayetokwa na damu ya hedhi raka mbili za baada ya kuhirimia? Na je inafaa kwa mwanamke mwenye hedhi kusoma na kurudia rudia Adhkari katika nafsi yake? au haifai?

Jawabu la 47Jambo la kwanza: Tunapaswa kujua kwamba Ihram (Nia ya kuanza Hija au Umra) haina swala yoyote; kwa sababu haikuja kutoka kwa Mtume -**Rehema na amani ziwe juu yake**- kwamba ameweka sheria kwa umma wake kuwe na swala maalum kwa ajili ya Ihram, si kwa kauli yake, au kitendo chake, au kufanyika kitu mbele yake akakipitisha.

Jambo la pili: Mwanamke huyu mwenye hedhi ambaye ameingia katika hedhi kabla hajahirimia, anaweza kuhirimia akiwa katika hedhi.Kwa sababu Mtume- **Rehema na amani ziwe juu yake**-alimuamrisha Asmaa bint Umeysi, mke wa Abubakari -Radhi za Allah ziwe juu yao- pindi alipopata damu ya nifasi katika eneo la Dhul Hulayfah, akamuamrisha akoge na aweke nguo sehemu inayotoka damu, na ahirimie, na hivi pia anafanya mwanamke mwenye hedhi, anabakia katika ibada yake aliyohirimia mpaka atoharike, kisha azunguke nyumba ya Allah na azunguke Swafah na Marwah.

Na ama kauli yake katika swali: Je anaweza kusoma Qur'ani? Basi jawabu ni ndio, na mwanamke mwenye hedhi anaruhusiwa kusoma Qur'ani akiwa na haja au akiona kuna masilahi juu ya hilo, ama kama hakuna haja wala masilahi, bali anasoma tu kama ibada na kujikurubisha kwa Allah, lililo bora asisome.

Swali la 48: Amesafiri mwanamke kwenda katika Hijja, na akajiwa na mzunguko wa mwezi (Hedhi), toka siku tano kabla ya safari yake, lakini baada ya kufika katika sehemu ya kuhirimia, akaoga na akaingia katika ibada ya Hijja kwa kuhirimia, lakini yeye hajatoharika na mzunguko wake wa hedhi, alipofika katika mji wa Makka akabakia nje ya eneo tukufu, hakufanya chochote katika matendo matukufu ya Hijja na Umra, na akakaa siku mbili katika mji wa Minah, kisha akatoharika, akajitoharisha kwa kukoga, na akatekeleza matendo yote ya Umrah akiwa ametoharika, kisha ikamrudia damu akiwa katika Twawaf ya Hijja (kuzunguka Al-Kaaba kwa ajili ya Hijja) isipokuwa aliona haya na akakamilisha matendo ya Hija, hakumwambia msimamizi wake mpaka baada ya kufika katika mji wake, ni ipi hukumu ya hilo?

Jawabu la 48: Hukumu ya hilo: Damu iliyompata wakati anazunguka Al-Kaaba wakati wa Hijja, ikiwa ni damu ya hedhi ambayo anaijua kwa ile kawaida yake na ugonjwa wake basi hakika kule kuzunguka kwake Kaaba kwa ajili ya Hija (Twawaful ifadha) hakuko sahihi, inamlazimu arudi katika mji wa Makka; ili aweze kutufu twawaful Ifadha (kuzunguka Kaaba kwa ajili ya Hijja), ahirimie kufanya ibada ya Umra katika maeneo ya kuhirimia kisha

atekeleze ibada ya Umrah kwa kutufu (Kuzunguka Kaaba) na kuzunguka swafah na Marwah na apunguze nywele kisha ndio atufu twawafu Ifadha (kuzunguka Kaaba kwa ajili ya Hijja)

Ama ikiwa hii damu sio damu ya hedhi, ni damu ya kawaida inayojulikana, bali imetokana na msongamano mkubwa au hofu na yanayofanana na hayo, basi kuzunguka kwake kuko sahihi kwa wale wanaoshurutisha twahara (katika wanazuoni) mtu akiwa anazunguka Kaaba.

Ikiwa ameshindwa kurudi, katika swala la mwanzo, kiasi kwamba yuko katika miji ya mbali, basi Hijja yake ni sahihi, kwa sababu hana uwezo wa kufanya zaidi ya vile alivyofanya.

Swali la 49: Amefika mwanamke amehirimia kwa ajili ya Umra, na alipofika katika mji wa Makka akapata hedhi, na msimaizi wake analazimika kusafiri kwa haraka, na hana msimamizi mwingine katika mji wa Makka, ni ipi hukumu yake?

Jawabu la 49: Atasafiri pamoja naye, na atabakia katika ibada yake akiwa amehirimia, kisha atarejea akitoharika, na hili ikiwa atakuwa Saudia; kwa sababu kurejea akiwa hapo ni jambo jepesi, na wala halina tabu ndani yake jambo hilo, hahitaji hati za kusafiria na mengineyo.

Ama akiwa anatoka nje ya Saudia, na ni tabu kwake kurudi, basi atajihifadhi, atazunguka Al-Kaaba, atazunguka Swafah na Marwah na amalize ibada yake ya Umrah katika safari hiyo hiyo,

kwa sababu kuzunguka kwake Kaaba wakati huo ni dharura, na dharura huruhusu mambo yaliyokatazwa.

Swali la 50: Ni ipi hukumu ya mwanamke wa kiislamu ambaye amepatwa na damu ya hedhi katika siku za Hijja, je ile Hijja itamtosheleza (Itakubalika)?

Jawabu la 59:Hili haliwezekani kulijibu mpaka ijulikane ni muda gani huyu mwanamke kapatwa na damu ya hedhi, na hilo ni kwa sababu baadhi ya matendo ya Hijja hayazuiliwi na hedhi kufanyika, na mengine yanazuiliwa, mfano: Kuzunguka Kaaba, hawezi kuzunguka mpaka awe na udhu (Tohara), na mengine katika matendo ya Hijja anaweza kuyafanya akiwa na hedhi.

Swali la 51: Nilikuja kufanya Hija yangu ya lazima mwaka jana, nilifanya matukio yote ya Hija isipokuwa Twawaful Ifadha (kuzunguka Kaaba kwa ajili ya Hijja) na Twawaful wadaa (Kuzunguka kaaba kwa ajili ya kuaga), nilizuiwa na udhuru wa kisheria, nikarudi nyumbani kwangu katika mji wa Madina nikiazimia kurudi siku katika masiku ili nizunguke Kaaba mizunguko niliyoiacha, kutokana na mimi kutojuwa mambo ya dini, nimehalalika na kila kitu, nimefanya mambo yote ambayo nakatazwa katika ihraam, nikaulizia kurudi ili nizunguke Kaaba nikaambiwa: Hauwezi tena kurudi, kwani tayari umeharibu ibada yako, inakulazimu kurudia Hija mara nyingine mwaka unaokuja, pamoja na kuchinja Ngamia au Ng'ombe, je fatwa hii ni sahihi? Je kuna njia nyingine, ni ipi hiyo, na je Hijja yangu imeharibika? Na je

natakiwa kurudia? Nipe faida kwa yale ninayotakiwa kuyafanya, Allah awabariki.

Jawabu la 51: Na hili pia ni katika balaa, kutolewe Fatwa bila ya elimu, na wewe katika hali hiyo unawajibika kurudi katika mji wa Makka, na ukatufu Twawaful ifadha pekee (Kuzunguka Kaaba kwa ajili ya Hijja).

Ama kuzunguka Al-Kaaba kwa lengo la kuaga (Twawaful Wadaa) hulazimiki kufanya hivyo madamu ulikuwa na hedhi wakati unatoka katika mji wa Makka, kwa sababu mwenye hedhi halazimiki kufanya mzunguko huo; kutokana na hadithi ya bin Abbas -Radhi za Allah ziwe juu yao- Aliwaamrisha watu jambo lao la mwisho katika ibada ya Hija liwe ni kuzunguka Kaaba, isipokuwa aliwafanyia wepesi waliopatwa na hedhi. Na katika Riwaya ya Abu Daudi: Jambo lao la mwisho katika ibada ya Hija liwe ni kuzunguka Kaaba. Na ni kwa sababu Mtume -**Rehema na amani ziwe juu yake**- alipo ambiwa kwamba Swafiya ametufu (amezunguka Kaaba kwa mzunguko wa Hijja) basi akasema: (Na arudi basi). Imeonesha hadithi hiyo kwamba mzunguko wa Kaaba kwa kuiaga Kaaba unadondoka kwa mwanamke mwenye hedhi.

Ama mzunguko wa Kaaba kwa ajili Hijja huo ni lazima, na kwa kuwa amehalalika na kila kitu kwa kutojua, hilo halimdhuru kitu, kwa sababu asiyejua anapofanya katazo katika makatazo ya Ithramu, hana dhambi.

﴿... رَبَّنَا لَا تُؤَاخِذْنَا إِنْ نَسِينَا أَوْ أَخْطَأْنَا...﴾ [البقرة: 286]

Kutokana na kauli ya Allah Mtukufu: "Ewe Mola wetu Mlezi usituadhibu ikiwa tutasahau au kukosea" [A-Baqara: 286], Akasema Allah Mtukufu: "Hakika nimefanya hivyo".

﴿...لَيْسَ عَلَيْكُمْ جُنَاحٌ فِيمَا أَخْطَأْتُمْ بِهِ وَلَكِنْ مَا تَعَمَّدَتْ قُلُوبُكُمْ...﴾ [الأحزاب: 5]

Na kauli yake Allah: "Hakuna tatizo juu yenu katika yale mliyokosea lakini tatizo liko kwa yale yaliyokusudiwa na nyoyo zenu". [Al-Ahzab:5] Yote aliyoyakataza Allah Mtukufu kutoyafanya kipindi cha ibada ya Hija au Umrah kwa yule mwenye kufanya ibada hiyo, akiyafanya katika hali ya kutokujua au kusahau au kwa kulazimishwa hana dhambi, lakini udhuru wake ukiondoka anawajibika juu yake ajivue katika lile aliloshikama nalo na kurudi katika asili.

Swali la 52: Mwanamke anayetokwa na damu ya uzazi, ikianza damu yake siku ta Tarwiya (Tarehe 8 Dhul Hija), na akakamilisha nguzo za Hija isipokuwa Twawafu na Sa'i (Kukimbia baina ya Safa na Marwa), isipokuwa akaona ametoharika tohara za mwanzo mwanzo baada ya siku kumi, je atasubiri? Na akoge, na atekeleze nguzo iliyobakia ambayo ni mzunguko wa Kaaba kwa ajili ya Hija?

Jawabu la 52: Haifai kwake kuoga, na kuzunguka Kaaba mpaka apate uhakika wa kutoharika, jambo linalofahamika tokana na neno -mwanzo mwanzo- hii inamaana kwamba hajaona tohara iliyokamilika, lazima aone tohara iliyokamilika, muda wowote

atakapo toharika basi atakoga na atatekeleza Twawaf na Sa'i (Kukimbia baina ya Safa na Marwa).

Na akizunguka Swafah na Marwah (Sa'i) kabla ya kuzunga Kaaba hakuna neno, kwa sababu Mtume -**Rehema na amani ziwe juu yake**- aliulizwa kuhusu mtu kuzunguka Swafah na Marwah kabla ya kuzunguka Kaaba wakati wa Hija akasema: "Hakuna tatizo".

Swali la 53: Mwanamke ameweka nia ya kufanya Hija akiwa katika Sail (Sehemu ya kuhirimia kwa watu wa pande za Najd) akiwa yuko katika hedhi, na alipofika katika mji wa Makka akaenda katika mji wa Jidda, kwa ajili ya haja zake, na akatoharika akiwa Jidda, na akaoga, na akachana nywele zale, kisha akaikamilisha Hija yake, je Hija yake ni sahihi? Na je analazimika chochote juu yake?

Jawabu la 53: Hija yake iko sahihi na wala hana chochote juu yake.

Swali la 54: Mimi nilikwenda Umrah, nilipita katika eneo la kuhirimia na kutia nia ya ibada hiyo nikiwa katika hedhi, sikuhirimia, nikabakia katika mji wa Makka mpaka nikatoharika, nikahirimia katika mji wa Makka, je jambo hili linafaa? na nini natakiwa kufanya, na ni lipi ninawajibika kwalo?

Jawabu la 54: Kitendo kilichofanyika hakiko sahihi, mwanamke anayetaka kufanya Umra, haifai kwake kupita eneo la kuhirimia mpaka atie nia ya kufanya ibada ya Umra/Hija hata akiwa na

hedhi, kutia nia kwake kuna hesabika na ni sahihi. Na dalili ya hilo ni kwamba: Asmaa bint Umaysi, mke wa Abubakari -Radhi Allah ziwe juu yao- na Nabii- **Rehema na amani ziwe juu yake**- alishuka katika Dhul Hulayfah, alikuwa akikusudia kufanya Hija ya kuaga, akaagiza ujumbe Asmaa kwenda kwa Nabii -**Rehema na amani ziwe juu yake**- nini anatakiwa afanye katika hali kama hiyo? Akasema: " **Koga, kisha zuia na nguo, na hirimia (Tia nia ya ibada ya Hija)**. Na damu ya hedhi ni kama damu ya nifasi.

Basi tunasema kwa mwanamke mwenye hedhi atakapopita eneo la kuhirimia (kutia nia), akiwa anataka kufanya Hija au Umrah, tunamwambia: Koga, zuia na nguo sehemu ya damu, na hirimia. Na kujistiri maana yake ni: Aweke vizuri kipande cha nguo katika sehemu yake ya siri ya mbele, na aifunge vizuri nguo hiyo, kisha ahirimie sawa sawa iwe ni ibada ya Hija au Umrah, lakini akihirimia na akafika Makka haruhusiwi kuizunguka Kaaba mpaka atoharike. Na kwa hili alisema Mtume -**Rehema na amani ziwe juu yake**- kumwambia Aisha pindi alipopata hedhi akiwa katika Umrah: "**Fanya yote anayoyafanya mwenye kufanya Hija isipokuwa usizunguke Kaaba mpaka Utoharike**", na haya ni mapokezi ya Bukhari na Muslim. Na pia katika -Sahihi Bukhari- ametaja Aisha kwamba alipotoharika alizunguka Kaaba, na akazunguka mlima wa Swafah na Marwah, Hii ikaonyesha kwamba mwanamke akihirimia kufanya ibada ya Hija au Umrah, naye akiwa katika hedhi, au ilimjia hedhi kabla hajazunguka Kaaba, basi hatozunguka Kaaba na kuzunguka Swafah na Marwah mpaka atoharike na akoge.

Ama akitufu hali ya kuwa ametoharika, baada ya kumaliza kuzunguka Kaaba ndio ikamjia hedhi, basi ataendelea, na atazunguka Swafah na Marwah hata kama akiwa na hedhi, na atapunguza nywele zake, na Umrah yake itamalizika, kwa sababu kuzunguka Swafah na Marwah hakushurutishwi kutoharika.

Swali la 55: Nimefika toka Yanbu'i kwa ajili ya Umrah mimi na familia yangu, lakini nilivyofika Jidda, akapambazukiwa na asubuhi mke wangu akiwa na hedhi, nikakamilisha Umrah peke yangu bila ya mke wangu kufanya Umrah yake, ni ipi hukumu kuhusu mke wangu?

Jawabu la 55: Hukumu kwa kumzingatia mke wako, ni kusubiri mpaka atoharike, kisha akamilishe Umrah yake;Kwa sababu Nabii -Rehema na amani ziwe juu yake-pindi Swafia- Radhi za Allah ziwe juu yake- alipopata hedhi akasema: "Je itatuzuia sisi hiyo?", Wakasema: Hakika yeye alikwisha zunguka kaaba kwa ajili ya Hija, akasema: "Basi na aendeleo".Kauli yake -Rehema na amani ziwe juu yake-: "Je itatuzuia sisi hiyo?", Hii ni dalili ya kuwa mwanamke anatakiwa abakie akipata damu ya hedhi kabla ya kuzunguka Kaaba kwa ajili ya Hija, mpaka atoharike kisha azunguke.

Hivyo hivyo kuzunguka Kaaba kwa ajili ya Umrah ni mfano wa kuzunguka Kaaba kwa ajili ya Hija (Al ifadhah), kwa sababu mzunguko huo ni nguzo, anapopata hedhi anayefanya ibada ya Umrah kabla ya kuzunguka Kaaba basi atasubiri mpaka atoharike kisha azunguke Kaaba.

Swali la 56: Je eneo la kuzunguka Swafah na Marwah ni eneo takatifu? Je mwenye hedhi atasogelea eneo hilo? Je anawajibika

yule atakaye ingia katika eneo takatifu la kuzunguka Swafah na Marwah aswali raka mbili za kusalimia msikiti?

Jawabu la 56: Ambalo linadhihiri eneo la kuzunguka Swafah na Marwah sio katika msikiti mtukufu, na ndio maana wameweka ukuta wenye kutenganisha baina ya msikiti na eneo la kuzunguka Swafah na Marwah, lakini ni ukuta mfupi, na hakuna shaka kwamba jambo hili ni bora kwa watu, kwa sababu lau eneo hilo lingeingizwa na kuwa katika Msikiti, angekuwa mwanamke akipata damu ya hedhi na kamaliza kutufu bado kuzunguka Swafah na Marwah angezuiliwa kuzunguka kwa sababu eneo la kuzunguka ni katika Msikiti, na mwanamke mwenye hedhi haruhusiwi kuwa humo.

Jambo ambalo ninalitolea Fatwa katika hili ni: Akipata hedhi baada kuzunguka Kaaba na kabla ya kuzunguka Swafah na Marwah, basi anaruhusiwa kuzunguka, kwa sababu sehemu ya kuzunguka Swafah na Marwah haizingatiwi kama ipo ndani ya msikiti.

Ama raka mbili za kuusalimia msikiti kunaweza kusemwa kuwa: Mtu akizunguka Swafah na Marwah baada ya kuzunguka Kaaba, kisha akarudi msikitini, basi ataziswali, na akiacha kuswali hana dhambi. Na lililo bora ni kuitumia fursa vizuri, na aswali raka mbili, kwa sababu kuswali maeneo kama hayo kuna fadhila kubwa.

Swali la 57: Nimehiji na nikajiwa na mzunguko wa kisheria wa mwezi, nikaona haya kumwambia mtu yeyote, nikaingia katika mji mtukufu, nikaswali, nikatufu, na kuzunguka Swafah na Marwah,

lipi lilo juu yangu, na ifahamike ulinjia mzunguko huo baada ya nifasi.

Jawabu la 57: Haifai kwa mwanamke akiwa katika siku zake iwe ni damu ya hedhi au damu ya uzazi kwa yeye kuswali, akiwa katika mji wa Makka au mji wake au sehemu yoyote ile atakayokuwa. Hii ni kutokana na kauli ya Mtume -**Rehema na amani ziwe juu yake**- kwa mwanamke: "**Je hakuwa pindi akiwa katika hedhi haswali na hafungi?**". Na wamekubaliana waislamu ya kuwa mwanamke mwenye hedhi haruhusiwi kufunga wala kuswali.

Na kwa mwanamke huyu aliyefanya hilo, anatakiwa atubie kwa Allah, na aombe msamaha kwa yale yaliyotokea.

Ama Twawafu yake kipindi cha hedhi sio sahihi, ama kuzunguka kwake Swafah na Marwah ni sahihi, kwa sababu kauli yenye nguvu ni kufaa kutanguliza mzunguko wa Swafah na Marwah kabla ya kuzunguka Al-Kaaba katika Hija, na juu ya hili inawajibika juu ya mwanamke huyu akazunguke Kaaba tena, kwa sababu kuzunguka Kaaba kwa ajili ya Hija ni nguzo katika nguzo za Hija, na wala hakutimii kujihalalisha kwa mara ya pili isipokuwa kwa jambo hilo.

Na juu ya hilo, mwanamike huyu haruhusiwi kuingiliwa na mumewe, ikiwa ameolewa- mpaka azunguke Kaaba, na wala haifungiki ndoa kwakwe ikiwa hajaolewa- mpaka azunguke Kaaba- Na Allah ndiye Mjuzi zaidi.

Swali la 58: Akipata hedhi mwanamke siku ya Arafah nini anatakiwa kufanya?

Jawabu la 58: Mwanamke atakapoingia katika hedhi siku ya Arafah ataendelea kufanya Hija, na atafanya yale wanayofanya watu, na wala hatozunguka Kaaba mpaka atoharike.

Swali la 59: Akipata hedhi mwanamke baada ya kutupa mawe ambayo ni nguzo kubwa, na kabla ya kuzunguka Kaaba kwa ajili ya Hija, akiwa ameambatana yeye na mumewe na waliokuja nao, afanye nini, pamoja na kujua kuwa haiwezekani kurudi baada ya safari hiyo?

Jawabu la 59: Ikiwa hawezi kurudi tena basi atajihifadhi na kuzunguka kwa dharura, na wala hana chochote juu yake, na atakamilisha matendo mengine ya Hija yaliyobakia.

Swali la 60: Pindi wakitoharika wanawake wenye damu ya nifasi (Damu ya uzazi) kabla ya siku arobaini, je Hija yao inaswihi? na asipoona tohara ni kipi anafanya? pamoja na kufahamu ya kuwa ametia nia ya Hija.

Jawabu la 60: Wakitoharika wanawake walio katika damu ya uzazi kabla ya siku arobaini basi wataoga, na wataswali, na watafanya yote wanayoyafanya wanawake waliotoharika mpaka kuzunguka Kaaba; kwa sababu damu ya nifasi haina ukomo wa uchache wake.

Ama asipoona tohara basi Hija yake ni sahihi pia, lakini hatatufu kuzunguka Kaaba mpaka atoharike; kwa sababu Nabii - **Rehema na amani ziwe juu yake**-alimkataza mwenye hedhi kuzunguka Kaaba, na mwanamke mwenye nifasi ni sawa na mwanamke mwenye hedhi.

Index

Maswali Sitini Katika Hukumu Za Hedhi Na Nifasi.....	1
UTANGULIZI:.....	3
MIONGONI MWA HUKUMU ZA HEDHI KATIKA SWALA NA SWAUMU:.....	4
MIONGONI MWA HUKUMU ZA TWAHARA KATIKA SWALA:.....	30
MIONGONI MWA HUKUMU ZA HEDHI KATIKA HIJA NA UMRA:..	37
Index.....	49

Get to know more about Islam

in more than
100 languages



موسوعة الأحاديث النبوية
HadeethEnc.com



Accurate translations of
Prophetic Hadiths and their
explanations in more than
(60) languages.



بيان الإسلام
byenah.com



Selected materials to
introduce and teach
Islam in more than
(120) languages.



موسوعة القرآن الكريم
QuranEnc.com



Accurate translations
of the meanings of the
Quran in more than
(75) languages.



موسوعات وخدمات إسلامية باللغات
s.islamenc.com



For more websites
in world languages
(s.islamcontent.com)



موسوعة المحتوى الإسلامي باللغات
islamcontent.com



Various and comprehensive
Islamic materials in more
than (125) languages.



ملا يسع أطفال المسلمين بحهله
kids.islamenc.com



Questions and answers for
Muslim children and public in
more than (40) languages.

جمعية خدمة المحتوى
الإسلامي باللغات



جمعية الدعوة
وتوعية الجاليات بالربوة



